

GIDIYAANG AMOGOWIN ANDOOSHKIGAADeg

Ozhiitaman ji-waabamigoowin gidiyaang

Ezhi-gikendaman ji-bagidinaman:

Mashkikiwinini dazhiikaagewin eta daa-izhise giishin eta gikendaman aaniin waa-doodaagoowin. Weweni igo ji-gikendaman aaniin memindage waa-doodaagoowin, ge-wiji'igoowin aaniin gaye ge-izhi-naniizaani'igoowin. Weweni igo anamitoon owe dibaajibii'igewin, gagwedwen gegoo weweni ji-nisidotaman aaniin ezhichigeng ji-waabamind awiya daga ji-amogod odiyaang.

Wegonen-ish iwe andooshkigaadeg amogowin odiyaamaang?

Andooshkigaadeg amogowin odiyaamaang mazinaatebijiganens biindaabiiginigaade gijiidiing ji-inaabing (gichi-onagizhiyaabiing) ji-ayinaabing daga gegoo ji-ayaayan.

Aaniishwiin awiya ji-onji-waabamind andooshkigaadenig amogowin ojiidiing?

Owiji'igonaawaa' mashkikiwininiwag aaniin awiya wenji-miskwiiwid onji ojiidiing, zhaabokaawizi ningoding gaye wenji-aakoshkaded. Iwe Crohn's Disease aakoziwin gaa-ijigaadeg bigwaashkaayan biinjimisad, waabamigoowin gijiidiing gaye daa-gikenjigaade bigwaashkaawin mijiidiing.

Ini andooshkigewinan daa-gikenjigaade ozhigwiiwin biinjidiyaang gemaa amogowin. Gaawin aanind ozhigwiiwin naniizanasinon, maagizhaa dash gidaa-amogo imaa onji giishin odaapinigaadesinogin. Miziwe ezhiseg, bezhig (7%) onji ashi-naanan Canada onji da-amogowag ojiidiwaang.. Most often this happens at an older age. Giishpin andooshkigaadeg amogowin gijiidiing, nawach daa-minose gikenjigaadeg ayaasiwan gemaa ji-nisigosinog iwe onji.

GIDIYAANG AMOGOWIN ANDOOSHKIGAADEG

Aaniin ezhi-naniizaanak owe izhichigewin?

Wawiiikaa maanzhise. Gaawiin nitaa-maanzhisesinoon gegoo oshkaadiziyan gemaa gegoo bakaan izhi-aakoziisiwan. Gaawiin gaye naniizaanasinoon giishin gegoo gijiidiing ji-odaapinigaadesinog gemaa bakaan ji-izhichigeng apii waabamigoowin onji owe..

Aanind awiya boodaajiishkaa inamanji'owag ishkwaa waabamindwaa, noodin aaniish biinji-doodaade gijiidiing ji-ayinaabing. Owe gaa-inamanji'owaad owiiji'igonaawaa' ajina ji-babaamosewaad apii geshkitoowaad.

Ge-izhishkaagoyamban: Gimisad nooji'igoowin, boodaajiishkaawin, maanishkaagoowin mashkikiin gemaa ajina miskwiwiwin ezhised bezhig ningodwaak dashiwaad (1%).

Gegoon bakaan ge-izhisegin, daabishkoo bagoshkaag gichi-onagizh, mii gichi-miskwiwid awiya, 1 bezhig onji 1000 awiyag (0.1%).owe daa-izhise. Maagizhaa daa-maajizhwaa awiya, mii ji-gibichiid aakoziwigamigong,1 bezhig onji 3000 (0.03%). Daa-izhise awiya. Bezhig 1 onji10,000 awiyag daa-onji-nibo waabamind owe onji andooshkigewin.

Aaniin ji-izhi-ozhiitamaan owe?

Aaniin awiyag omigoshkaaji'igonaawaa' owe waabamigoowin.. Daga wiindamaw gimashkikiwininiim gemaa gimashkikiwikwem gegoo zaabendanziwan. Gagaana (more than 90%) awiyag waabamindwaa onji iwe gaawn gegoo inendanziwag.

Gimashkikiwininiim gemaa gaa-wiidanokiimaad giga-wiindamaagoog aaniin memindage ge-ayizhichigeng andooshkigeng. Onjida ji-biminizha'aman aaniin egoowan ji-doodaman, ningo-anami'e-giizhig jibwaa waabamigoowin gijiidiing ji-biinichigaadeg ji-bagakaabandang mashkikiwinini biinji-aya'ii apii andawaabid.

Maagizhaa gaye gegoo gidaa-waabandaanan gaa-mazinaateseg gaye omaa inaabiyen maagoniganing. ezicmycolonoscopy.ca

GIDIYAANG AMOGOWIN ANDOOSHKIGAADEG

Aaniin ge-izhiseg apii izhaayaan imaa ge-waabamigooyaan?

1. Biidoon ozhibii'igaadegin mashkikiin wedaapinaman.
Gego biidooken gegoo aakogindeg, wawezhi'onan gemaa gishkanzhiig zhizhoobiiwindwaa.
2. Biidoon gimino-ayaawin mazina'igan, mooshkinebii'igen apii dagoshinan.
3. Giga-biizikaan aakozii-izhi'owin.
4. Giga-gaganoonig mashkikiiwikwe ji-dazhindameg gaa-bi-inaapineyan zhidagwa gimashkikiiman. Da-andwewemaa gide', ezhi-ayaamagak gimiskwiim ezhibapanga'od gide'.
5. Nibe'igoowin Giga-agokodamaagoo (IV) onagizheyaabiins ginikaang. Owe Onagizheyaabiins giga-miinigoo mashkikiin (midazolam dago fentanyl nitaa-miigiwem) ji-nibeshkaagoowan apii maajichigewaad.

Niibowa omaa Mikinaako-misiing miinaawag ono mashkikiin, aanind awiyag waabamaawag gegoo gii-odapinanzigwaa ji-nibe'igoowaad. Awiyaag gegoo gaa-odapinanzigwaa waabamindwaa da-minjimendamooq ozitaawinendamowaad, aanind gaye gii-wiisagendamowaad. Bekish gaye oada-waabandaanaawaa' mazinaatesenig (inendamowaad) aaniin ezhinaagwadinig biinjidiyaang. Zhemaag niyaab daa-ayizhichigewag netaa-izhichigewaad ishkwaaw waabamindwaa.

Awiyaag gii-nibe'indwaa gaawiin nitaa-wiisagendanziwag gemaa ozitaawinendanziwag. Gaawiin ji-bimibizonikewaapan 24 dasowaakaase minik ishkwaaw waabamindwaa, awiyan gaye ji-giiewewinigowaapan ji-wiidabimigoowaapan.


Giishin gegoon bakaan ji-miinigooyamban gemaa gegoo noonde-gikendaman ge-nibe'igoowan, gagwejimin gimashkikiwininiim gemaa mashkikiiwikwe ningo giizhig jibwaa ge-waabamigoowin. Niibowa mashkikiwininiwag odayaanaawaa' mashkikiin netaa-aabajitoowaad owe izhichigewaad.

6. Zhingishinan giga-izhidaabaanigoo aandi ge-dazhi-waabamigoowin.
Mashkikiwinini giga-nagishkaag zhidagwa gaa-wiidanokiimaad.

GIDIYAANG AMOGOWIN ANDOOSHKIGAADEG

Aaniin ge-izhiseg apii waabamigoowaan?

1. Namanjinake giga-izhishimigoo Niibowa aakoziwigamigooon eyaamagakin, ji-bagidinaamowin giga-miinigoo, ezhi-ayaamagak gimiskwiim ezhi-bapanga'od gide', gibagidanaamowin da-naagajichigaade gabe apii waabamigoowin.
2. Giga-miinigoo mashkikiin ji-nibeshkaagoowin. Gimiinigoo ono mashkikiin ji-maanzhi-inamanji'osiwan gabe waabamigoowin. Aanind gabe nibaawag apii waabamindwaa. Aanind nawach bagakendamoo.
3. Da-maajitaa mashkikiwinini boojidiyebinig. Mii zhidigwa onagizheyaabiins bezhigon ezhi-gipagaag daabishkoo oninjiins, gijiidiing da-biindaabiiginigaade akoo gigichi-onagizhiing ge-waabanjigaadeg.
4. Ningoji 20 akoo 45 daso-diba'iganens da-izhise waabamigoowin. Na'egaach igo gimashkikiwininiim oga-aa'aandaakonaan onagizheyaabiins gijiidiing jii-gaganawaabandag ayizhinaagwak biinjidiyaang. Owe onagizheyaabiins da-aabadad noodin gemaa nibi ji-biindatoowaad nawach ji-bagakaabing. Maagizhaa da-aabadad owe gegoo ji-odaapinigaadeg gemaa ji-manizhigaadeg ozhigwiiwinan, gaawiin idash gegoo giga-moozhitoosiin.



GIDIYAANG AMOGOWIN ANDOOSHKIGAADEG

Aaniin ezhiseg ishkwa waabamigoowin?

1. 30 diba'iganens akoo ningowaakaase giga-biiw minik ji-aabizi-ayaan ishkwa waabamigoowin. Giga-ayaa imaa gaa-gii-waabamigoowin (jibwaa zhigwa ishkwa waabamigoowin) 3 akoo 5 naanwaakaase.
2. Giga-minik mazina'iganens gimashkikiwininiim wegonen gaa-mikang. Gimashkikiwininiim gemaa mashkikiwikwe giga-dazhindamaagoog gaa-izhiseg awenen gaye ge-wijiiwig. Giishin gii-nibe'igoowan apii waabamigoowin, gaawiin maagizhaa giga-minjimendanziiin gaa-gii-dazhinjigaadeg. Onjida ji-biinadiban awiya ji-bizindang gaa-ikidong ishkwa waabamigoowin ji-wiindamaag metas.
3. Bigo gegoo gii-odaapinigaadeg gemaa gii-manizhigaadeg da-izhinizha'igaadewan awiya ji-ganawaabandang. Nitaa-wiindamaagem jibwaa ningo-giizis ojijiseg. Giishpin awashime gegoo mikigaadeg, giga-ganoonigoo onji gimashkikiwininiim enokiid gemaa giga-gagwejimigoo niiyaab ji-azhegiweyan ji-dazhinjigaadeg gaa-mikigaadeg. Mazina'igan gaye da-izhinizha'amawaa gimashkikiwininiim gemaa mashkikiwikwe ji-wiindamawindwaa wegonen onji daga gaye ji-bi-azhegiweyamban gegoo onji.

Aaniin enamanji'owan ishkwa waabimigoowin?

Giishin gii-nibe'igoowan waabamigoowin: Ishkwa waabamigoowin, 30 akoo 60diba'iganens gigii-ayaa ningoji ji-aabazii-ayaayan minik ji-bagakendaman, ji-zaabi-ayaayan.. Ishkwa mino-ayaayan, giga-bagidinigoo onji aakoziwigamigong. Gaawiin ji-bimibizonikeyamban 24 dasowaakaase minik ishkwa waabamigoowin, awiyan gaye ji-giiewewinigowaapan ji-wiidabimigoowaapan minik ji-mino-ayaayan. Maagizhaa gimashkikiwininiim giga-andawenimik ji-gagwejimad awiya gabe-dibik ji-wiidabimik.

Giishin gii-nibe'igoosowan waabamigoowin: Gidaa-giwe gemaa gidaa-andawanokiizhemaag ishkwa waabamigoowin owe onji andooshkigewin Gaawiin memwech awiya ji-wiidabamig, gidaa-gashkitoon gaye ji-bimibizoniketamaazowan.

GIDIYAANG AMOGOWIN ANDOOSHKIGAADEG

Wegonen ge-miijiyaan ishkwa waabamigoowaan?

Gaawiin gegoo gidigoosii ji-miijiyan, gegoon gaa-nibiiwaagamingin (daashkoo zhiywaabo, naboo) gegoon ji-gozigwanzinog minik niiyaab izhi gegoon netaa-miijiyan. Gegoon gozingwanzinongin miijiyan nawach wendadoon ji-zhaashaagondaman, ji-minoshkinewan gaye. Zhemaag ishkwa waabamigoowin, gaawiin maagizhaa gidaa-gashkitoosii ji-miijiyan wiiyaas zhigwa boozaagin gegoon.

Giishpin gegoon noonde-gikendaman ge-waabamigoowan onji, gimashkikiiman gema aaniin ji-izhi-ozhiitaman, daga ganoonzh gimashkiiwininiim ji-gagwejimad.

Giiyaabi gegoon noonde-gikendaman: mycolonoscopy.ca